

游藝塾續文規

游藝塾續文規卷之五

趙田逸農袁黃坤儀甫輯

門人劉有執無競甫閱

男袁天啟若思甫訂

嗣男葉紹袁仲韶甫

姪孫袁祚熙載之甫 全校

了凡袁先生論文

舊文規所刻者一篇不載

作大股當知起承轉合之法幾句起幾句承幾句轉

幾句合此章法也毫不可紊則重複襍亂之病出

矣庚戌會試湯懋昭講先行其言而後從之云所當

固也必先勉強以行之而違焉惟日之不足者夫

也必先果行以育之而汲焉不容以自暇者夫固

成于內者宣于外而不徒為尚口之勞也

句是起次二句是承由是一句是轉然後二句是合

極有次序前一比以道字為骨董子曰勉強以行道

書曰道積于厥躬今第二句云勉強以行之第六句

云積諸躬皆不露道字而暗以道相承也後一比以

德字為骨果行以育之曰成于內皆暗承德字前輩

作文用句用字皆有來歷不似今人之鹵莽也丘瓊
山在會試場中得王守溪卷讀孟子周公兼夷狄驅
猛獸而百姓寧王講兼夷狄云不有以兼之吾知其披髮而左衽矣因
挫卷而思猛獸句難對徐觀王卷乃云吾知其弱肉而強食矣
遂擊節嘆賞前輩作者類有苦心而閱者亦不草
如此夫作文之法有懇到之意又須出之以冲夷有
切寔之思又須潤之以丹彩有奇特之見又須運之
以渾融故不特造理素意之難而修詞亦未易也一
句未工免經推鑿一字未妥累費推敲寸心幾嘔脩

髯盡枯文何容易哉

凡一腹該一意到底若用兩意便襍矣假使一兩句說完題目以下便難措手頃洞曉章法庶不重複有推原之法有襯帖之法有涵泳之法有敷衍之法有繳足之法有進一步之法如萬曆甲戌孫會元講如不及末二比云方以日進者自強也而又以日退者自惟勇往以為圖則其心首二句已把題目講完蓋自有惕然而靡寧者矣天下之理以下却推其自強自歎之故所謂推原法也高南麓云精神之奮發方有事乎日益也而日損之懼已動乎其中即心之不自足雖萬

理既得之後而所以防乎其失者僅恐乎未已首

四下題目亦說完即其心之不自足以下又較上深

一謂進一步法也支蘭亭講云而又患失其已

得修者與恐畏者交營而至焉蓋不至于與

進修不已也其愈精進而愈無暇逸者乎不諉于

相目而蓋又深慮其保持之難時教者與遜志者

息者愈亦首二句說完題意以下皆敷衍法也末

句是淨語蓋以敷衍而兼涵泳也孫會元講云

敏求不在也其心之專也而作輟是防則尚若有不

寧矣前四講完題目後三句却繳足其意而已獨

陸廬江講云

功專于金及所以防其失者非不至也

與我猶二之焉而終其身皆此企及之念則常損道之是心也必深造自得而後無遺歟矣乎 一氣到底

無迹可尋蓋此題諸公皆有提有綴中間只作六比

初二比用流水法一比講如不及一比講怨失之次

二比對搭講每股中上半講如不及下半講怨失之

故末二比另須變法若復從頭講下又與次二比同

格矣是以諸公皆用兩意對起大率文字若前二比

單起後兩比須雙起此自然之文勢也陸兄舉業熟

變換多故不拘常調而亦不重複大率章法只是一

意說下為妙戊辰會試沈蛟門講是知也四比皆不
重復初二比云欺則無待乎外而聰明之德已完固
心之所昭融宜明而獨得乎象數之表者也自信
之審而人心之易蔽者不為之蔽則反觀于內而廣
洞達而冥會夫昭曠之所以光明固心之所以二句即
衍上聰明之德一句一氣接下且先說自見次說自
信極有條理又前比說心次比說知其說知處又頂
上心字來如蛛絲馬迹牽連不斷後二比云其任之
吾不嘉其有偏觀之識而嘉其有內照之神蓋常明
常覺之休本如是而吾能弗之累焉耳矣是雖未嘗
博物洽聞以為知而獨查之知非吾心之真知乎其
辭之為不知也足以為有知之累而適足以見其
續文規

大觀之推蓋天神天朗之體本如是而吾能弗之昧焉耳矣是雖未嘗多聞多識以為知而獨得之知非吾心之旨三句是起次二句是承是雖一句是轉獨覺之知二句是合蓋前面都不說殺至末二句合處方說到題目上法而不冗可式也總看此四比文字前二比從心上說到知上心字虛知字寔後即承知字分作二比較前又寔矣蓋知不知原是題上字眼也

股中立柱第一忌陳腐如窮達常變之類一見令人可憎第二貴切題講聖人題用不得明德作柱講三

代以後題用不得皇猷帝載作柱其餘如細題用不
得依柱倣此推之講聖人題則先行後知其餘如先
本後末先体後用先一息後萬年等各宜看題下筆
不可紊也

兩扇既立柱其遣詞各宜聯絡照應然湏如灰中線
路草裏蛇踪默々相應可也湯懋昭先行其言而後
從之股法最佳餘如瞿師講事君敬其事云小而為之
目如其事雖小亦必有雄盡者則思任使之未稱而
精白以承之翼然惟懼事之或曠而已矣大而為
服休之巨也其事愈大尤必有難盡者則思付托之
未故而侯洛以圖之兢々焉惟懼事之或忝而已矣

以任使粘小以付托粘大有任使則曰曠有付托則曰忝皆隱、相承移易不動前輩細心處也今人不知脉絡者固不足言其知者又多叢揮柱頭而反與題目相遠蓋顧奴失主也

凡文字不可無筋骨股中之柱蓋筋骨也歲則渾厚露則怒張歷觀會元之作歲者多露者少丁丑馮開之講行已有耻三句云所行若綱常而行不為苟合國家則可以為使一出而國體以重焉此其蘊藉何憚也所惜者道義而名不為苟成蓋卓乎以耻自持而命以申焉此其抱負何宏也曾閱本房批卷極

贊此二比檀塲渠中間雖用細常道義而筋骨金
虛字上先曰任後曰惜、生于任也先曰行後曰
、生于行也先曰合後曰成始合而終成也先曰防
後曰持防暫而持久也先曰用于國家後曰使于他
邦由本國而出使也先曰可以為使後曰可以專對
為使而後有言也先曰國体重後曰君命申本題只
有君命字由國体說到君命上此文之有法度者也
大率兩比文字要似一比故題中字面俱在後比收
之吳中先輩陸儼山舉業極細所及見惟滄浪之水

清乎一篇全在虛字眼上着力如先曰予何幸焉浚
曰予甚幸焉何字甚字其筋骨也荆川先生用此法
甚熟如講從我者其由與先曰其誰與後曰其由與
皆從而虛而實也開之進場時嘗與余論此甚簡及
進場作文遂全用此法甲戌孫月峰學如不及中二
比用知行末二比無柱極渾融合縫時習言其久敏
求言其銳作輟言其功得喪言其驗道字虛學字實
亦非漫無分別也曹會元平日常文字極露筋骨發
會試墨卷其至德無迹二比亦自渾融

會魁講是知也云非必探賾索隱而後可以講
知者信于明者不知也蓋其知者信于理之知也其不
而後天下之真知也即此一心而謂之矣非必博物洽聞
而後可以語知也即此一真自知之境而所以為太
觀之哲者存焉信于理者知其有竟之用心者不知
之良知也蓋無待于探賾索隱與博物洽聞亦是柔筋脆
外而自足矣
骨至第三句題意已完其知者四句是襯貼法只多
了有限之力二句便不清楚氣志不順兼此二句詞
過尖巧有傷太雅寧拙毋華為是故也前比云其知
者信于理之知也後比云信于理者知固知也一起

一承自相終始亦文之有法者

以上六件
作文語

按說文云論者議也反復辨難以求至當者也劉勰云論者倫也弥綸群言而研一理者也故論之為体辨是非別妍醜即礪以求通研深以入微穷于有象追于無形凡受題下筆必有一段出人之意見發之為千古不可磨滅之議論方為入彀或舉古今所不决之疑而出真見以剖析之或從眾人意想所不到處而從容發至理以新人之耳目如漢廷老吏斷獄以片言折衷而人莫不心肯意服若但能盡其是非

吾手必思我若生此人之時居此人之位遇此人之
事當如何應酬如何處置必有至當不易之說若蘇
子瞻范增論老泉管仲論皆用此法

立意高說理透不為玄言奇語而見者自然屈服如
韓國夫人有天然國色但澹掃娥眉而三千粉黛一
時低首此文之最高者也詞理兼修華實並茂者次
之意見庸、專事造語此最卑而最可賤者也近來
時論本色愈卑而修飾愈勝專欲藉文采動人自造
語外別無工夫矣汝須擴充真見洞透至理見得親

切自然斷得分明理既高遠自然言得出衆講性理而洞徹精微論治道而深究利害便是大文字前輩如柳宗元作四維論夫禮義廉耻謂之四維抑謂廉耻即在義字中只可為二維得此意為主又何煩詞采之助哉歐陽修作泰誓論謂文王未嘗稱王發明千古不白之寃蘇軾作賈誼論謂非漢文不用賈誼乃賈誼不能用漢文蘇轍作三國論不取智勇而取不智不勇張本作文帝論謂文帝薄待周勃乃是深愛之而引宣帝待霍光為証意見精確最能動

又如蘇軾秦觀皆有晁錯論在蘇軾則謂袁盎非
能諧殺錯乃錯自取殺在秦觀則謂漢惟斬錯然後
可以破七國之兵其意見皆出常情之外故必熟于
世故老于人情有憂深慮遠之明有通微知性之哲
然後可以作論非徒求工于文字而已也

論貴圓忌方貴老忌嫩貴雄健忌嬾散貴移易不動
忌浮泛不切起伏處貴有照應開闔處貴有波瀾馳
騁處貴有節制鋪叙處貴有曲折過接處貴無痕迹譬
喻貴親切引用貴確當或沿流討源而血脉整一或

從根發枝而千條燦然或將無作有而意味甚深或以寔形虛而指意如見歲光融于平寔之中發精神于題目之外要使一句一字增減不得而句句有法字字盡心方為合轍只緣學者束書不觀目陋就簡時文之外全不理會先進既以荒謬而中式後進遂以空疎為高致而反笑苦心于論策者為迂濶而失計可悲也已

我

試論有破題有承題有小講有入題有原題有大

議有腰有結原係

國初諸儒倣論學繩尺而制此式也中式者中此而已今作墨卷論亦須將宋人舊論一一檢閱有辯論格有詰難格有問答格有闕鎖格有借賓形主格有從淺入深格有摘字貫題格有收題立說格宜備考而靜叅之蘇子瞻王者不治夷狄論乃是制科墨卷六論中之一有冒有承有講有綴規模極整前面間說甚長後面正說甚短及讀之全不覺其長短蓋後面一句轉一句故也今之時論皆有段落殊不雅觀

須融通而變化之如干寶作晉帝紀總論徐伯魯謂
賈誼過秦論後僅見此篇然其中間寔以安民立政
民風國勢為眼目惟其筆力圓勁故全不見其比排
之迹又如蘇子瞻賈誼論深交絳灌與默一待變本
是兩柱而文勢融通一意貫串遂成高調皆可矜式
者也

劉勰謂論有四品曰陳政曰釋經曰辨史曰銓文近
日徐伯魯著文体明辨廣為八品一曰理論二曰政
論三曰經論四曰史論五曰文論六曰諷論七曰寓

論八曰談論今我另設八目一君德二治道三心學
四臣道五敬天六愛民七尊賢八評論人品汝等此
八類各作一篇場中題目無出此矣

作論之法須依于忠厚止于理義可標駁羣彥不可
戲薄聖賢可據理陳詞不可以強詞奪正理衆毀而
吾獨譽之發吉人之心事抒千古之幽光若衆譽則
不可輕毀也有過處可求無過無過而求有過則刻
矣文章之微關係心術學者慎之

論有三等一是性理論貴研精闡微根極理要以左

國之詞華發程朱之心事使確然不易燦然有條此最難者也一是政事論貴獨稽政源叅酌流弊弥綸羣務折衷是非陳法則句句可行警世則言言可懼此亦不容苟作然較之性理則粗而易騁矣一是人物論貫串古今詮次賢哲貶一人而有益于天下則毀之不為薄如韓愈之爭臣論蘇洵之辨奸論皆非無寔之公言也其褒者語不多而美獨至如曾子之稱孔子止江漢秋陽三言耳而大聖人氣象儼然在目司馬遷作孔子世家語愈多而揄揚愈不足係識

見不佞耳此作論者所以貴有識也

凡作論須要有一段千古不可磨滅之見然後可傳
萬形有弊惟理難磨理不勝詞雖工無益也先輩如
柳子厚之四維論歐陽修之朋黨論唐寅之議賞論
近世唐荊川之四皓論予之三監論皆確然不可易
者也說理既透立意既高不煩彫琢詞華自足千古
次之則修詞矣

學作論須將左傳國語韓非呂覽之屬各摘數篇熟
誦沉思有作即擬之不似則易之始于擬議終于變

化蓋其初學也惟恐其不似既也又恐其齷焉而不
化矣至于變化則心肝骨髓全是古人啟口容声無
非高調若待招之而後來麾之而後去已落第二義
矣

論貴古賈生過秦其最也論貴圓蘇氏兄弟稱絕調
焉故學論者取材于古而尤當暢之以蘇文以上八
條作論
語

漢表無四六自唐而後其体始定故場中之表惟出
唐宋及本

朝表之用有六曰進曰謝曰賀曰辭曰諫曰請金塲
中所用者惟進謝賀而已進表則解題宜詳如舊籍
則備叙其著作之由祥瑞則編列其生成之寔賀表
則頌聖慶宜詳解題慶宜畧多有不用解題者以不
可及前朝哀懿事也謝表入題自叙慶宜詳各自有
體

四六盛于六朝然皆風煙月露之詞于政事禮樂典
章文物之体未備也自唐開元十二載詔以詩賦取
士自此八韻律賦盛行煅煉研摩聲律始細然當時

作者如陸贄裴度呂溫輩猶未能極工至晚唐薛逢
吳融輩出于場屋頗臻妙境及宋嘉祐治平間相傳
四百餘年師友淵源講貫磨礪口傳心授以駢麗之
詞叙心曲之事寓行雲流行之態千抽黃對白之中
而四六始孺絕唱矣汝今作表須將宋文監中所載
諸表從頭一閱而于王介甫蘇子軾諸公所作尤宜
盡心庶有古人渾厚氣象而不至于淺薄也
人知四六只是修詞不知以養氣為重如氣弱調卑
則成俳矣王荊公與吳冲卿至厚及荊公出而冲卿

盡力排之公備聞其語國中使傳宣撫問以表謝云
臣本羈單自甘淪棄晚由朴學上誤聖知智曾昧于
保身忠每懷于許國諛諛甚巧切憂解免之難危拙
更安特荷眷憐之至况遠迹久旅之地寔邇言易聞
之時而離明昭晰于隱微解澤頻繇于踈逖此蓋伏
遇皇帝陛下以上仁含垢以大智容愚勿使南箕得
肆簸揚之狀更令北戶坐蒙臨照之光藹然垂盡之
病軀沈若橫流之感涕雖困蒙無理猶致命于一餐
顧冒昧不貲敢忘懷于九虎句々解諛字々精切而

意融語沛一氣呵成此以格勝而不以詞勝者也
子瞻之表筆力踈暢意象圓融不事修詞專欲達意
遂使六朝聲律之文變成渾厚此乃四六中之古作
也其謝賜衣馬金帶表云服章在笥賁及哀殘銜勒
適庭喜先從御伏以物生有待天施無窮草木何知
冒慶雲之渥采魚蝦至陋借滄海之榮光末云士豈
輕于千里念非其人言有重于兼金當思所報此綴
最佳謝浚官表云七年遠謫不意自全萬里生還適
有天幸驟從縲紲復齒縉紳伏念臣才不逮人性多

物馴徧自用可謂小忠猖狂妄行乃蹈大難皆臣
自取不敢怨尤尤會真人之勃興與萬物而更始而
臣獨在幽遠最為冥頑迨茲起糞之初倍費生成之
力末云臣敢不益堅素守深念徃愆誤齒何求不獻
飯疏之陋蓋棺未已猶懷結草之忠不煩雕琢自合
程度真佳作也

四六貴以明白之詞達微婉之意吐氣雍容叙事詳
盡令讀者心明而意服予在宝坻當久荒之後逃亡
至衆閭閻蕭然而部叅政守法嚴征急如星火時張

弘軒為撫臺寬然長者也予以啟求之云叨居一邑大濟五年屋有飢鳥野無宿草閭閻悉窺猶征無主之粮田地盡荒更急未畊之賦猷朴徒繁于下吏纖毫無補于

皇家亟撫疲民陛下停徵之令廣招佃客僅成闢土之謀但寬兩月之誅使滿三農之望倘至期而無成效請禘職以謝監司伏願俯遂私求曲撓成法但得稍延千萬命更何顧惜乎一官即蒙允諾鄙公百計求忝提竟不行及秋成邑民爭相輸納歷年所負無

升合欠者部復行文嘉獎予啟謝云向也違令而不
徵期以一官易萬民之命今也回豐而上納遂以一
時完數歲之逋蓋寔錄也又繡衣使者至縣取便道
往王田見四野田禾茂盛而予方告災謂以熟作荒
脾提談吏予啟白云天災時有人事宜脩望治無旁
值已稔常如未稔愛民至切視無傷猶若有傷稽邑
中豐熟之由寔臺下栽培之力專以聚人為急務故
逃亡至衆而今盡歸來不以屯種為虛文故地土久
荒而今皆開墾然痛定而思痛更宜恤衆之穷當豐

後而保豐豈敢知苗之碩恭承嚴命期竭鄙衷既欲
圖安于未危自應以荒而視熟餐風暴日誰憐種植
之勞暑雨祁寒宜動艱難之想代巡見啟即批談吏
免提更以手書慰勞而叅政之譖不能入矣春秋列
國所以救難扶危者全籍詞命之善詞之不可已也
如是夫

文字貴以理勝雖責人而人不怒乃佳吉甫與子瞻
兄弟初亦相厚後有隙子由作右司諫極論其蠹國
殘民子瞻作謫詞詆之為元凶吉甫既至貶所謝表

序云龍鱗鳳翼固絕望于攀援蟲臂鼠肝一冥心于造化言子瞻兄弟與我所爭者蟲臂鼠肝而已子瞻見此表笑曰福建子難容終會作文字

表與啟不同啟猶可隨己創意表須要有朝廷氣象詞極華采而不卑弱語極豪縱而不怒張雍容揖遜有冠冕珮玉之氣乃為本色王岐公作慈聖慰表云雁飛銀漢雖閱榮于千齡龍繞青山終儲祥于百世滕元發乞致仕表云雲霄鴻去免罹矰繳之施野渡舟橫無復風波之惧此皆以韻勝者也

用事以的確為難如王陶自陳州移許州謝表云有
汲黯之直未死淮陽之郊無黃霸之才願老潁川之
守陳州乃淮陽郡許州乃潁川郡黃霸自潁川入為
三公而我不敢願也其的確如此鄧溫伯知成都謝
表云捫叅歷井敢辭蜀道之難就目望雲愈覺長安
之遠此四川的確之語也

用事貴切當移易不動范文公隨母冒朱姓後復姓
表云志在投秦入境遂稱于張祿名非伯越乘舟偶
效于陶朱此聯雖唐人舊語然寔范氏當家故事也

秦少游館職謝啟云竊觀前史具見鄧宗西蜀中郎
孔明呼為學士東海釣客建封任以校書雖為將相
之品題且匪朝廷之選用夫何窻陋遽爾遭逢三國
志蜀秦宓博識孔明呼為學士唐詩人秦系自號東
海釣鰲客張建封署為校書即是亦秦氏當家故事
也葉紹袁入泮予賀一聯云雄文初麗頤追少蘊之
宗風清德彌光幸守子昂之家法亦葉氏故事也
文字要真切使人可愛可憐乃為妙境丁晉公在海
外十二年北遷道州謝表云心若傾葵漸暖長安之

日身同旅雁乍浮楚澤之春又謝秘書監表云炎荒
萬里歲律一周傷禽無振羽之期病樹絕沾春之望人
而哀之王荊公曰王雱先捨宅為寺蒙賜寺額謝表
云臣生乏寸長世叨殊獎賤息奄先于犬馬頽齡俯
迫于桑榆獨念親逢莫有涓涯之補報永惟弘願豈
忘香火之因緣又云榮祿雖多不逮養親之日餘年
向盡更為哭予之人真情溢于辭表許安世謫官謝
啟云賤貧于有道之朝自知愧耻負犯于可封之日
無足矜憐引咎自責深得責降之休

六格上句起下句應最要呼答有情下謂云補仲山之裳雖曲盡于巧心調傅說之羹終難諧于衆口二句如出一線元厚之感荆公薦引致仕後以啟謝曰眷林泉之樂方遂乞骸望衮繡之歸徒深引脰亦得休其作荆公再相麻云忠氣貫日雖金石而為開諛波稽天既斧折之敢闢世雖競以為工然不免有偏枯之病上句忠氣貫日則與金石為開有情可以相襯下句諛波稽天則與斧戣似無干涉矣此四六之病也

唐宋表俱用四六而律亦不同唐人聲律極精對偶
極切如奇珍襍宝鑱合相配銖兩悉稱宋人以聲律
之文為叙事之体明暢過于唐人而典麗不及也既
曰擬唐擬宋則亦當論其世而各肖之斯為合格
表有聲有律平仄相間宮商迭宣朗然可頌者聲也
對偶精切分毫不爽者律也

以上十二條
作表語

以身言書判四事觀人原是古法至唐而判始腹暢
大要貴決斷明允令狐楚自河南召入至閩鄉遇大
縣有裨將飼馬逆旅屋毀馬斃到京公遽大拜裨將

還以馬死畏帥之責具狀請判以為據公援筆判
曰庶然魯國先師惟恐傷人屋倒闕鄉常侍豈宜問
馬衆服其當劉貢父作國子監直講英宗幸學諸生
迎駕惟直者不得出乃潛出窺探堂官以為罪申貢
父貢父判其狀曰黃屋初出孰不願觀青衿何為乃
獨塊處可免罪諸生聞之闕然稱服汝今學判試于
閒時將大明律一檢此書不但可以治人兼亦可以
律已解得判題明白自然易做矣

自成周鄉舉里選之法廢而後世專重科舉

太祖高皇帝知其不足以得人也故洪武四年停科
舉至二十年後始舉行又當時三途並用以薦舉為
第一最重貢次之科第又次之正統成化間亦嘗行
薦舉而吳與弼陳獻章出焉嘉靖初年亦嘗下令重
薦舉而事卒難行今舍科舉外無路可進矣然

朝廷既不能更科舉之陋規亦當盡科舉之正道
凡看經義須觀其識見察其理意而有真心為國家
求賢之意如王陽明閱穆孔暉之文而知其為東國
名流余同麓見歸有光之文而知其為文章宿莸張

江陵閱鄧以讚之文而知其為恬澹無求之士丙戌王
荊石老師主試謂不必避二氏百家且要求真才為
世用故是科得人為多近來每科建議只用平正者
于

高皇帝發揮道理之意不復講求只依朱註而于
成祖編集大全之意更不考究甚至題目只出舊者
使人人得以揣摩而帖括餽飭之徒盡記舊文以入
彀科場本以網羅豪傑而今反為淺庸易售之地非
法也又士之長才卓識皆在論策中吾誠不忽于此

而專意檢閱庶亦可以得人即如五判真能体
祖宗立法之意而必求通曉必求合律亦可得深明
律意之人而今則畧不入目遂使同號諸生互相抄
錄五判有不差一字者夫使判而可廢也則奏停之
可也既用之亦須禁諸生不相蹈襲此只在監試官
一加意耳但同號而五判雷同者例貼出不許終場
則人人自愛而判不至于虛設矣今我教汝輩經義
務求心得論策務求博洽表判務求雅鍊彼以虛求
我以寔應彼以例設我以真修彼徒循其假名我則

務為寔學此所謂真寔舉子也

以上三條
作訓語

策場全在講解考究切不可記誦
天地間大學問如天文地理律曆兵刑之屬杜氏通
典以十八事盡之文獻通考廣為二十四目我杜年
欲為經濟寔學逢人而下問遇事而廣詢作經世畧
三百卷曹含齋并取袁氏通史一千卷許為我梓行
不意含齋物故而底稿遂失然其事皆能通曉而詳
說之也汝先將策目列于空簿之上每目留空經十
餘張我每事先將大旨與汝講明將緊要曲折開註

于首以為本領他日或聞人議論或繙閱經書定有
互相觸發之理偶有所得即隨手劄記于各條之後
久之淹貫學問愈精遇考而發之為文即為名世之
言倘遇事而見之于用即為經世之學蓋有此定本
而接人讀書可以日知其所亡不然則聞言若醉釋
卷茫然矣

太祖高皇帝開科令曰試策只許直陳所見不許修
飾文詞最為有理蓋以策試士正欲其通達治體敷
陳確寔粉飾虛文有何用處他日又語劉三吾曰唐

原詢事考言今試策是其遺意命

廷試只用策一道又士子在學設官教之而以提調
之權歸之有司孟月試經義仲月試論表皆在黌官
教官主之季月則專試策有司主之其重策如此今
時既不重策閒有閱策者亦止取其文采而不取其
練達故為今之士作今之策文詞亦不可略但當以
練治為主工文次之耳昔楚人有瞿九思者博洽士
也謬畧予黃葵陽以其父子試策皆不凡語予曰是
必有家本予徃詢焉曰果有之先祖所訂也蓋取西

漢奏疏隨類刪定者今重訂以示汝等書之于冊熟
記之倘初時以其易記而不讀則臨時欲記而不能
矣汝今所登記者必皆使貫串成誦如失今不熟則
後日所書愈多愈難溫習難自登記無益也

嘉靖初年言官建議謂周禮乃經世之書當與五經
並行請于五策中問周禮一道不遵者有罰故自戊
子以後每科皆有周禮問目此是良法今則不復然
矣此非敢悖明制也乃不熟典故而遺之也今須摘
其要義尋其大旨而融會貫通之此是吾儒實學

算符博古通今古
文獻通考今惟宗大明
足矣魯鈍之甚不能
編閱二書但將策目
三十箇每
篇機作一篇亦勝拾
殘膏剩馥以欺主司
也條條策

游藝齋續文規卷之五終

游菰塾續文規卷之六

趙田逸農袁黃坤儀甫輯

門人劉有執無競甫閱

男袁天啟若思甫訂

嗣男葉紹袁仲韶甫
分校

姪孫袁祚熙載之甫

涇陽顧先生論文

一曰鑄意

文之妙未易言也而其原皆起于意意不立則行文

不失之枯必失之淡矣是故有奇意有古意有玄意
有理意有巧意有破入結即一句一字不可無意然
得意不同有興致所得意如湧泉而至者是化工之
意也其或題旨牽纏一時未就必須極力尋思未得
則求其得已得則求其妙如金錫之數經火力鍛煉
精純庶可耐咀嚼而免枯淡之病矣若今文之善鑄
意者王閣老繩應問曰篇唐司諫予未得為篇邵司
教天與篇是也

二曰琢辭

意與辭相為聯屬者也意鑄矣而辭不琢將侔其意而失之如以竒古之意而散為腐爛冗襍之辭則觀者但覺其腐爛冗襍之可厭而不覺其為竒古矣况意不甚出人而又無佳句以達之其為俚鄙可笑可勝言乎故寧有辭無意不可有意無辭此辭之貴琢也琢辭者何短則欲棹如歐陽公環滁皆山也一句省出許多字面而意自盡者是也長則欲逸如昌黎公若駟馬駕輕車就熟路而王良造父為之先後也句字雖多而風致則飄然動人也餘辨此類可見

三曰博古

文中詞意必須根據方見有本之學辨以行文貴讀古書如上自五經左國呂覽諸家列傳六子九流之言下自歷代經目性理諸名家文集策論俱要揀閱精癖者一一讀記不惟後場該博而時義中自無杜撰踈脫之病予觀近來舉子僅讀文章軌範數篇自以為胸中有物此管窺蠡測之見徒令識者掩目耳

四曰集成

予觀何仲默先生有言漢之文人工于文而昧于道

故其言襍而不可據疵而不可訓宋之大儒知乎道而書乎文故長于循轍寸訓而不能比事聯類開其未發故嘗病漢之文其道駁宋之文其道拘噫此確論也所以今之學者博古之浚當集其成而用之如呂覽國策則法其高古如六子則法其玄博如四大家則法其華裕如程朱則法其性學羅百家精髓而時出不窮令人莫可端倪譬之富人之家隨取隨足斯其為善屬文者矣國朝惟荆川先生近之故予嘗曰乃所願則學荆川也

五曰涉趣

文梳活潑，地非胸中有瀟灑不穷之趣，則為文不免烟火塵氛，迷障人目。近來士子拘，讀舉業書，最是困人，一困則意趣便不森發。故予嘗謂讀書之暇，當觀四十家唐詩，與蔡中郎傳北西廂記，蓋言之律詩，即今之排比，所以學詩者不惟得其嚴整，而其含蓄感慨之趣，每令人醉心。至蔡中郎傳情思遠，迤北西廂記興致流麗，學者細味而吟詠之，則描神寫景，處自有一種仙風道骨，恐不減四家之文矣。且

讀書漏深時令童子烹茗石然香或撫瑤琴或弄簫
管或朗誦楞嚴經一卷此若泠然嗟我以清風而
不自知者其所謂牽纏困縛之態舒釋盡矣孰謂涉
趣之無補于文哉涉者言乎博而不有也予為此言
頗誕彼不知者聞之將縮頸吐舌矣而在高品同調
者必頓足許我也然予亦以俟高品同調者而豈為
不知者言也

六曰化格

看書作文兩事不同看書死然處多員活處少作文

員活處多死然處少若天分高學力到則死然中求
出員活々々中求出死然變化如游龍不可捉摸矣
予觀古人作文每為書旨縛住手脚不得轉舒所以
下筆都是纏擾牽合絕無化工天趣如吳江杜靜臺
是何等學者荆川方山之道俱賴此若闡揚大有加
惠晚輩之功只緣他以看書工夫作文所以理趣雖
多僅學得宋朝文字故士子須將題格融化凡提掇
呼應開鎖起伏諸法一氣渾成絕無痕迹方是高手

七曰繼功

文義乃是理學生活最忌心粗若功夫間斷則精神
意氣便覺收攝不來構思則枯而無味泛而不切違
僻則俚而不文晦而不達故士子當講貫之暇即宜
命題為文日就一二草久之則文机自然熟爛理趣
自然橫溢矣昔者飛衛學射于紀昌先學不瞬即偃
卧妻之挽下以目承牽挺者二年雖錐末倒背不瞬
也后學視乃以鼈懸虱于牖南面而望之不置三年
之后如車輪焉乃以燕角之弧朔蓬之簳射之貫虱
之心而懸不絕此繼功之驗也夫射且然而况于文

乎甚哉功之不可不繼也

有極

文章家

有奇古有雄傑有渾厚有豐潤有雅逸

有清癯先極

謂習焉而各得其性之所近者是也

然莫不有極

工之地士子造詣必須隨其質之優為

者而各造其極若秦青之謳韓娥之歌哭甘繩之射

秦豆氏之御方成一家是故兩司馬之文漢文之極

者程朱之文宋文之極者也其文不同而要于成名

則一也邇來士子專為應試之文求合主司之目雖

幸博一第而文章絕不足為世法甚至負英邁之資
者曰亟于狗時降為齷齪卑瑣而尤終身不得有所
成就亦足悲矣予嘗謂出處有時而文章不可加損
苟詣其極則精之所通天必佑之未有不為世用者
也况仰棄高明而俯就卑暗即相遇且捫心媿笑昔
老蘇文雄當代卒為眉山布衣天遂大發甚二子而
其名亦以聞于世嗚呼天亦何負于能文者而必欲
拘之為狗時計哉

九曰甘勞

予嘗謂讀書做文人生第一勞苦事今人語博奕飲
酒輒欣、喜語讀書做文即愀然不樂者惡其勞也
然博奕飲酒未嘗不勞而人獨甘之讀書做文非不
可忘勞而人獨苦之是以詩書為世流毒而尼父所
以難好學也第吾輩習此生活憚勞不得直須冬不
爐夏不扇食不知味寢不帖席將讀書做文兩事循
環無間譬之僧家閉關坐定從个中討出天趣即有
勞苦且甘之焉則雖未嘗假此倖福而老蒼有知當
不令苦心人終墮地獄矣若曰孝父逐自徒貽不量

力之說曾史屬性祗取斲枿之謂乃博而奕焉飲而酒焉以求快此生焉噫實酒果可以快此生哉因之吳先生論文

論看書

學者多以看書作文分為二項故二者胥失之不知二者雖有操觚與不操觚之辨搃之去皮見骨去骨見髓要以得解而止非有二也每見看書先立課程如學庸幾章論語兗章之類無惑乎童而習之白首而不得其原也夫書義有思之而即得者有思之竟

日而後得者有明日又思之而後得者有力量未到
累日思之而不可通姑停閣三月五月之後識見增
進或重思之或他書偶觸發而恍然得者始也無從
而疑既也疑究也不勝其疑至于不勝疑而悟之門
啟矣愈悟則愈疑亦愈悟故學者非悟之難而
疑之難也又見看書者多苦于經書之難竟只此二
念可謂千里之謬夫書有積少成多之書有以一貫
萬之書有索然無味之書有手舞足蹈之書有窮年
故吾之書有日新一日之書積少成多者如有物十

焉吾所知者九而所遺者一也異日者人困之以其一吾窮焉無以應也夫知且九矣而曾不能通于其一則所謂九之知者皆糟粕也非知也當其涉獵之時已自無味及涉之數過數十過其人猶然故吾耳以一貫萬者則不然不務蓄積而務開其所謂疑與悟者此疑與悟者何物也是心竅中之生机也机触則引而益長竅開則迎而輒解故隨其所值皆可推類以盡其餘古人云三日不見當刮目相待此項工夫其于識見真有日異而月不同之妙方其思而得

之也。蓋亦不知手之舞之足之蹈之者。然當入門之始。正見未啟。而旁見已挾。不可不慎。蓋書義之確然。而不可易者。惟一路。而其似是而非者。易以引吾思。而成吾一偏之見者。且十百其路。故須不時提醒。此心之最巧。不提便拙。心最活。不提便死。任其思之所引。至于拙且死。誤入荆棘。而不自知者。此不提醒之過也。大要只是追尋聖賢語意。要想聖人為何說。此一句為何下。此字眼聖人下字如化工肖物。決有鑒。八不移道理看一章。須討關鍵在某處。看一句。須討

上文如何下文如何通章血脉如何但將白文從頭
至尾反覆玩味定是有見聖賢說話雖極精深又極
平坦極現成若稍入艱深畧涉牽合即邪徑矣此非
打疊妄想精專靜一而又無主先入不厭涵濡必不
能也其傳註與白文相印者十有八九偶一二可疑
不妨存吾獨見俟質有道然傳註每多涵而未發之
意或不善讀註者向有以辭害志之習吾發其未盡
之旨通諸文辭之外寔非悖也近聞士林多着意為
新說此與文字為魑魅魍魎之談者同一無聊之計

可發一咲

論作文

文字不論奇正何如先以說題瑩透為主說題既透然後觀其運用之活與不活神氣之厚與不厚若先自文吾兩可則雖有聰明才思不過點綴眉目以為工抹塗影響以蔽拙豈能迓識者肺肝之見哉然要說得題到頭先識題夫有題之皮膚有題之筋骨吾舍其皮膚而操其筋骨故片言而有餘不然費盡心力只成一篇訓話如幸不會場先進題從先進字面

此題之皮膚也而先進之所以當從則題之筋骨也
程講云禮樂所以養德也而養德者宜處其寔不宜
處其華所以維風也而維風者宜居其厚不宜居其
薄以求諸寔先進有焉有其實則用以治心而心平
用以治身而身正周公之懿範猶存固吾所夢想者
也雖處于俗奚恤乎以求諸厚云云正解從先進字
面只吾所夢想雖處奚恤二句餘皆解先進所以當
從處寫得十分精神所謂得其解者故為從來程文
之冠○齊桓公以八國之師代楚又責包茅闕王祭

其詞甚正楚人膽落矣及齊侯陳師矜其衆強楚屈
完曰君若以德綏諸侯誰敢不服君若以力楚國方
城以為城漢水以為池雖衆無所用之當是時齊桓
擁八國之衆無辭以對齊服其言服其理也故文字
惟理勝則神王嘗觀汪青湖文講官之奇諫云不知
而不言則誤國之罪小知而不言則欺君之罪大此
二言義正詞嚴遂為千古不可磨滅之論後講百里
奚不諫云縱吾身受屠戮之禍何益千君使吾君有
殺諫臣之名何補于國此語為奚回護可謂精巧然

惟屬目護其理不勝故較前語氣不壯而神不揚可
見文字百般簞弄俱屬小技惟有根據至理令讀者
心服則種々名言矣

文有不新而新不奇而奇不高曠而高曠者無他議
論卓然精神發越耳夫荆棘其詞與模糊其意二者
皆文所禁也文章增十分聞見不如增一分識愈
高則文愈澹識愈卑則伎倆愈多至于伎倆愈多而
品愈下內不足故外有餘此理自然無足恠者夫戶
必有樞船必有舵文必有一段最緊關處惟平日著

看書則識進、則據此最緊關處拿縛得定臨時
信手拈來頭、是道整容歛襟而上、可嘻笑怒罵
而語、亦可雄猛如鉅鹿一戰、亦可閒暇如圍棋賭墅
、亦可簡峻如片言析獄、亦可一滾而出如萬斛之泉
、亦可循規蹈矩亦可忽入九天忽墮九地、亦可橫行
直撞不離佳這箇區、左顧右盼無所用之故夫無脩
詞之擾無敷衍補綴之勞省除一切煩苛而歸諸至
易至簡者無如識、之于文也一綱舉而萬目張之
道其墮落脂粉者三年而成一棄之說也操觚者柰

何不務一了百當顧屑々焉趨其所為用力多而成
功寡者哉故術不可不慎也

如今紛紛作者儘會弄筆頭儘會粧點小世界只是
不曾另闢乾坤創箇天下大觀豁人膏概所謂另闢
乾坤又非穿鑿杜撰飾奇吊詭之謂只爭箇看得破
與看不破耳亦見夫戲傀儡者乎線索在手則跪拜
起立無不如意夫題亦有線索矣其精神結聚處是
也有數句而結聚于一句者有數字而結聚于一字
者有本題而結聚于上文者有結聚于寔字者有結

聚于虛字者有不在于句字之中而結聚于句字之外者推此類不可悉舉看不破則我在微纏繩縛之中欲左則牽于右欲右則牽于左無適而可看得破時瞻壯神活兩翼生風如庖丁遊刃如巨魚縱壑虛者寔之寔者虛之而不為破格風雨驟至而不為傷氣矢口成詞直據本質而不為少文脫胎換骨前無古人而不為離旨回視戈小巧如置身霄渾下視塵寰非無景物揔不入目矣大抵文字只看一篇大規模大机局何如大段卓越縱句字小疵不足介意

如神王之人區々疥癬豈能為害有一尋疔羸削弱
之人耳目口体無恙肌膚無恙長桑君望而却走則
字脩句削而机局不佳之故也今後直須大々歎美
盡力與題目鏖戰一場決有目異而月不同處勉之
勉之

文之貴講貴寔尚矣然人但知講之講而不知以不
講為講但知寔之寔而不知以虛為寔夫講之為講
而寔之為寔說一句總是一句說一字總是一字其
于一句一字之外已毫不能通而于一句一字之中

又渾非其解故意不透露而机不玲瓏惟夫不講而
講虛而寔也而後為此大卻舉大竅而後極文之致
摠之貴議論而不貴鋪排貴挾其所以然而不貴贅
其所當然者傳其形所以然者傳其神鋪排者
銖積寸累而無功議論者挈領提綱而了了故一言
可當百千言反言可當正言無言可當有言以意言
之為至寔以机言之為至虛至于善用虛而所為精
深者澹宕者皆舉之矣過此以往純乎天而人不與
言者有盡而不言者無窮則係乎所養非精思力詣

之所及也

凡作性理題須着一句玄遠語不得着一句幫襯語
不得玄遠者起于光景之未真而揣摩其近似幫襯
者起于本質之已穷而借功于粉飾若胸中見得了
自無此弊然亦有意思見得七八分而辭不足以
達之者此非辭不達之病仍是意不徹之病也朱子
謂憤者心求通而未得悱者口欲言而未能畢竟是
心求通而未得耳若徹頭徹尾洞見底蘊豈有不能
出諸其口哉至如平澹題雖無別的講貫然亦須反

要論得痛快然後讀者悚然大凡平淡題目自有精
深議論非必每題另出一見然後動人且如蘇秦說
六國撮其大旨不過曰割地事秦如抱薪救火此自
盡之術也然此亦人人知之人人能言之偏是蘇秦
為從約長何也他到一國自有一國議論舉一國之
形勢揣各國之人心搜各國之往事按各國之所重
所輕揣各國之所畏所苦天下机局如在目前睥睨
抵掌極文之變令傷心者哽咽不平者按劍何暇計
羣羊之不敵猛常與連雞之不能俱棲雖不舉國以

聽其道無由夫舉子業亦然若必每題另立一主意以爲新奇其謬何啻千里

或問辭調之于文何如余應之曰辭者不得已而用之者也着一分辭便掩一分意思到時只須直寫胸臆家常說話都是精光閃爍何以辭爲向者辭醜極矣佳者爲善用脂粉而不佳者爲題題畫見題題固太陽之所不容脂粉亦本來面目之賊也至于頓挫屈伸自是文中絕不可少然此是文勢大段變化條而坦然平麓條而峭壁摩天起者不滯不起而伏

者不得不伏豈區々句字詞調為哉

思白童先生論文

論翠子業者有茅廬門沈道立及袁儀卿數公鑑
滿矣然皆所謂鴛鴦繡出從君看不把金針度與人
者余唯華嚴字母一字為一勢稍證以前窓稿及程
式墨卷意在并與以匠巧云雖然似數他家宝身無
半分錢矣

賓

昔洞山禪立四賓主主中主賓中賓中主中賓

故曰我向正位中來爾向賓位中接又曰忌十成苑
語文章亦然一部莊子莫非寓言並無一句犯正位
然未嘗一句離正位若一犯正位則如逍遙齊物秋
水諸篇正意不過數句可竟何得夢術恢奇乃爾何
謂正位者主也正位如君王拱默威嚴外人莫
覩而三公九卿六部五府皆承天子威光建立功業
若必要天子口倡手提濟滯甚事詩則賦為主比興
皆賓也易則義彖為主六爻皆賓也以時文論題目
為主文章為賓寔講為主虛講為賓兩股中或一股

賓一股主一股中或一句賓一句主一句中或一二
字賓一二字主明暗相參生殺互用文之妙也故或
進前一步或退後一步皆謂之賓或斤斤講而題意
乃不透露是高品俗品之分蘇子瞻表忠觀碑惟叙
蜀漢抗衡不服而錢氏順命自見此以賓刑主也此
竅毋論前輩大家名家但執管者即已游于其中自
不明了耳往有單門淺學而蚤取科第者彼雖不
知所以要未嘗不暗合若有不合則永斷入路耳第
能合之則拍成令雖文采不章而机鋒自契今夫

農人之歌豈知聲律然一唱衆和前輕後重若經慣
習雖善歌者不能易之于此見人心有自然之節奏
以此机相感洒然善矣但不可作賓中賓謂于題目
旁意中又入旁意則是臣子不奉天子威光擅自稱
制乃野狐禪也惟賓中有主主中有賓步步恋着正
意而略不傷觸乃為賓字法門且如有王者必世而
後仁講者曰如有王者躬膺帝命應五百之昌期統
繼神明開兩間之泰運此著寔依題目王者二字講
乃犯主也中間二以云聖王之精神雖易達而欲使

天下固結于吾之精神必其精目運而世與民相貫
徹焉然後耳目一而渾然其大同也明王之德澤雖
易孚而欲使天下融波于吾之德澤必其澤日流而
世與民相涵濡焉然後心志聯而怡然其共適也此
依題講世字仁字乃犯主也會元則云治之極于仁
尚矣天下無一日不以仁望于王者乃王者則未嘗
以旦夕而求仁于天下此賓也吾試度之如有王者
作也其必世而後仁乎惟此是主也自此以下云道
至于王固轉移之下有神机賓也而治至于仁則大

化之成無遠效主中賓也德教所敷不崇朝而通天下可矣此賓也然可以遍天下不可以深入乎天下此主中賓也試舉一世而時雍之是賓也是必世而後能也此主也王者日以其精神心術與天下相流貫此賓也而至于一世此主也則所隆施久矣此賓也天下所以咸若其化也此主也不然非悠遠而求博厚能乎哉此賓也信乎未至于世雖欲有禁之績而亦不可得也功深則弗可驟也此賓也既至于世雖欲無熙々之俗而不可得也化積則弗可掩也

此主也而曰雖欲無曰不可得是主中賓也以此推類靡文不有

轉

文章之妙全在轉處轉則不窮轉則不板如游名山至山穷水盡處以為觀止矣俄而懸崖穿徑忽又別出境界則應接不暇武夷九曲過絕則生若千里江陵直下奔迅使無轉勢矣文章隨題敷衍開口即竭須臾言盡語竭之時別行一路太史公荊軻傳方叙荊軻刺秦王至始皇環柱而走所謂言盡語竭忽用

三箇字轉云而秦法自此三字以下又生出多少煩
波制義如成弘間大家元氣渾灝勢取直捷轉處無
刑至文恪公齊景公二節文則珠走盤而不出于盤
聖于此法矣甲午廣西墨卷君子信而後勞其民至
容有疑君子之屬之者矣此處題意已盡他却轉云
是非君子之真屬之也得此一轉又增出幾行文字
此其易見者但拙者為之則頭腦多而不道勁病在
不審賓中之主

反

文字從反語曰文者言之變也又曰擬議以成其變化作文謂以變合正古文辭動人精神者莫如國策士游說不曰不如此不利而曰不如此必有害其所以敲骨打髓令人主陡然变色者專用此法也寧獨策士且如論語中說管氏樹塞門若正言之則曰管氏不知禮可等明畫却又曰管氏而知禮孰不知禮此反也九合諸侯一匡天下若正言之只宜曰管仲有仁者之功却又云微管仲吾其被髮左衽矣此反也韓昌黎說周公好士正言已盡却又一反云向使

周公輔理承化之功未盡章。如是而無聖人之才
而非叔父之親則將不暇食與沐矣寧止吐哺握髮
之勤而已哉。此一反并吐哺握髮精神奇警又如
漢詔有功不賞有罪不誅雖聖王不能以化天下亦
其例也。時文有全篇用反者如君子三戒。之在色
戒聞戒得等只應痛說色闢之為害而戒字意自明
若隨題講云若何以戒之則俗格矣。又有丙子南京
鄉試卷講堯以不得舜處云由是觀之堯一日而無
舜則孰與命禹益舜一日而無禹益則孰與拯昏墊

之害而登天下于平成堯一日而無舜則孰與命稷
契舜一目而無稷契則孰與拯阻飢之民而躋天下
于揖遜然則憂舜之不得者堯也君道也憂禹皋陶
之不得者舜也相道也此皆反格又有癸酉南京江
文明修身則道立墨參講完修身則道立云不然天
下雖有觀刑之心而君極未立其何以近天子之光
哉得此一反則一字精神透露便有責望來公意不
止說效矣又如癸未孟子程文講孔子有見行可之
仕句云不然東周之志三代之恩將托之空言矣皆

是淡中設色

韓

李長吉云筆補造化天無功此韓之所自始也以時
文論雖聖賢語豈無待作者韓旋處如禹稷當平世
三過其門而不入既平世矣何為却須三過其門不
入程文則云蓋洪水艱食天下雖若猶未平也而君
明臣良則天下有所賴以平也出人意表又如壬子
南畿墨卷君子不可小知而可大受也他人講不可
小知只隨題講去若將謂君子于細事全不理會孫

薄卷則云故以一事之盡善而謂其為君子焉吾意
君子不如是之隘也以一事之未善而謂其非君子
焉吾意君子不如是之濫也果可以小知乎哉場中
得此四句遂作舉首故缺漏處須用意幹旋

代

代者謂以我講題只是自說故又代當時作者之口
代寫他意中事乃謂注于不涸之源且如莊子逍遙
篇說鸞鳩笑大鵬須代他說曰我決起而飛搶枋時
則不至亦控于地而已矣聖以之九萬里而奮為此

非代乎若不代只說鸛鳩笑亦足矣又如太史稱燕
將得魯連書云欲歸燕已有隙恐誅欲降齊所殺虜
齊人甚眾恐已降而後見辱喟然嘆曰與人刃我寧
自刃此非代乎又如蘇老泉易論聖人云是天人參
焉道也道有所施吾教矣非代乎時文如壬戌會試
事君能致其身墨卷云仰觀于君則知君即吾之元
首而不有其身者乃所以不負其君也此非正譎乃
代之耳又如邵北虞陶應問曰文云居舜之地諒舜
之心必將曰在朝廷則情為重法為尤重而情劣于

不可奪在海濱則天下為輕親為重而法砥于無所
加皆是代也又如癸酉南京江文明小大之臣至承
弼厥辟墨卷講云若曰一言之失將不為聖德之累
乎此句亦代也凡作文原是虛架子如棚中傀儡地
牽由人非執定死煞者也

翻

劉勰曰詞微寔而難巧意翻空而易奇夫翻者翻公
案之意也老吏舞文出入人罪雖一成之案能翻駁
之文章家得之則光景日新且如馬嵬驛詩凡萬首

皆刺明皇寵貴妃只詞有二拙耳最後一人乃云尚
是聖明天子事景陽宮井又何人便翻盡從前累曰
曹操有疑塚七十二古人有詩云直須盡發疑塚七
十二已自翻矣後人又云以操之奸安知不慮及于
是七十二塚必無真骨此又翻也昔齊鬼說善解結
鄰國以必不可解致齊王王令鬼說解之鬼說曰
此結不可解臣乃以不解之也此非翻乎又如法
眼和尚曾問徒弟曰猛帶項下金鈴是誰解得人多
不能對其後有一僧出曰繫解得此非翻乎時文有

雖孝子慈孫百世不能改也東云有堯舜為之祖父則雖有朱均之不肖而無改于唐虞之令名有幽厲為之祖父則雖以宣平之中興而無補于二君之逆德又云不然則暴其民者得一賢子孫足矣何足懼哉此善翻案者也唐荆川匹夫而有天下文云舜不遇堯一畊稼之夫而已矣禹不遇舜一崇伯之子而已矣溫托齋何事于仁程文上半篇云仁道至大有自一端而言者有自全体而言者如一念之善仁也推而言之裁成天地之道輔相天地之宜亦仁之極

功耳如一事之善仁也極而言之範圍天地而不過
曲成萬物而不遺亦仁之大用耳若必以博施濟衆
而為仁則一事一念之善將不得為仁乎若一事一
念亦得以為仁則博施濟衆蓋不止于仁矣聖人能
之乎俱是翻格

脫

脫者脫卸之意凡山水融結必于脫卸之後謂分支
擘脉一起一伏于散亂節脉中直脫至平夷歲聚處
乃是絕佳風水故青烏家專重脫卸所謂急脉緩受

緩脉急受文章亦然勢緩處湏急做不令抻長冷淡
勢急處湏緩做務令紆徐曲折勿得埋頭勿得直脚
如乙酉南京墨卷吾有知乎哉無知也講完至有鄙
夫問于我空一知也我叩其兩端而竭焉此處是急
脉施天性墨卷云然存一太公之心毋論昏明矣達
一不倦之教毋論智愚矣故自問我者而觀一空一
之鄙夫也若不可以盡知也自我應問者而觀即人
人有良知也無不可以與誨也此是急脉令緩又
為高必回丘陵為下必因川澤至為政不曰先王之

道此緩脉也素茂英墨卷云君人者運治于上則先王之丘陵在有操更張于成憲則悖矣施澤于下則先王之川澤在有作聰明于舊章則昧矣此是緩脉令急又如使禹治之此急脉也程文則云以上則君憂臣勞而弗恤以下則父舍子用而不疑凡以為天下而已此急脉令緩也禹掘地而注處急脉也瞿卷則云水之為民患者水之未有所歸也而未可以力排也于是乎掘地而注諸海焉此是急脉令緩述而不作至信而好古有許多推原此緩脉也壬午陝西

程文則云我惟篤信好學是訓是行而已焉用作乎此是緩脉令急

擒

杜子美曰擒賊先擒王凡文章必有真種子擒得真種子則所謂口々咬著又所謂點々滴々雨都落在學士眼裏且如王文恪卽北虞皆有五就湯五就桀者伊尹也文字若以縱橫逸宕論卽作似勝但文恪小講云擇君而事者智士之所以定其交也委心不變者忠臣之所以介其守也而伊尹則有不必然

者便高出邵公幾等何則此題真種子要在何必同而卻却單做伊尹五就雖詞章揮霍已離于宗故不得為大家已知石崑玉舜岳以命禹墨卷承即云道至于中則不宜有所異也以後云中之上本無所加而聖人又何所加于此中之上也乎此是題中真種擒得此不必照顧亦字而未嘗非亦字矣行已有耻題陸會魁云士之才也貴于有守而才也擒也蕭會元如有王者破云無近功者也是一篇主張不出此三字魏崑溟破云志其盛也便自走作此全在有識

離

文字最忌排行貴在錯綜其勢散能合之合能散之
離者散也左氏晉語云太子之善在于早論教與選
左右早論教選左右是兩事也賈誼政治疏却云心
未濫而先論教則化易成也開于道術智誼之指則
教之力也此是早論教下云若其服習積貫則左右
而已夫胡粵之人生而同聲嗜慾不異及其長而成
俗累教譯而不能相通行者有雖死而不相為者則
教習然也此是選左右以此二事離作兩段而不排

比自六朝以後皆畫段為文少此氣味矣時文如出門如見大賓四句主敬行恕後來印板也陶石簣作此題先將出門使民二句相對却用一過文另做已所不欲破板為活又如索隱行怪全章庚辰會試卷講至末節却以君子依乎中庸對遯世不見知而不悔雖一串做總有痕迹惟劉廷蘭講四以云故君子之依乎中庸也擇之也精而依之以為知者不惑于似是之非守之也一而依之以為行者不淆于他岐之惑由是而遯于世焉吾安之而已由是而不見知

千人焉吾弗悔而已深得離之趣

緱山王先生論文

世多謂經義取士之後士為括帖束縛得人不如前代之盛此大不然自荐舉法嚴書判詩賦與今之經義皆借以觀人耳觀人之法愈平寔則愈難矯飾愈簡約則愈有規模自古以詩賦取士而無限韻命題類如兒戲者如泰豆氏教造父于寸木上御馬正欲不盡人之才不盡而後所養之淺深造詣之生熟可測驗耳

高皇帝深明此意倣宋遺制為此非難非易之法稱
量豪傑又別有二三場以盡其胸中所欲言而前場
則原不責之馳騁也今後言時莠者又謂時莠羽翼
聖真可與傳註並傳此則大過傳註不必俳偶所以
俳偶者正有深意耳試即吾輩熟習之人而細翫其
文正如繪出心肝一般若後場則取材泛濫不必肖
矣天下有無文而有堅立者有能文而無當于用者
若怪謬浮誕之文而責之以識見功業萬一無有學
者務當休我

聖祖設科之意而無自描影子貽識者之笑可也
論語之文極高故卑極緩故淺思孟之文以卑證高
以淺證深此理學之宗而亦文章之宗也紫陽先生
得註非必盡是理欲知行動輒分為兩截正如好座
堂房零星夾斷然未有拋家棄產悅珠官枕宇之麗
而據以為已有者我

聖祖解經測天初未嘗純用宋儒而卒以取士蓋以
爲人有異學則國有異政與其適放無寧支離故去
彼取此

先輩之貴用經語也匪是則弗典與曰否六經之與
時執氣類也大凡同類之物以襯帖則有情以牽綴
則無迹如傳奇之詞曲吏胥之文移不作一文人口
語始為當行今以二氏語作孔孟文已自不合腔而
况作者原不知二氏不過口頭數語逢陣便擺而已
且無論于題貼不貼而試究其本大字義云何豈無
咂然而失笑者乎若今日以後所用之二氏則又今
日時文活套之二氏也愈傳愈訛吾不知其所終
文章之法摠不離于人情：生于題情之用存勢要

不出于鹿門所謂認題布勢數條顧涇陽袁了凡更詳言之可不具論其大者認題以題為主題有定法書法所謂朋字當側止字當扁點厪必重引帶必輕執之欲緊者也布勢以我為主我無定法書法所謂一字之休定于初下筆就一字中又有許多變如此起者當如此應運之欲活者也其外爾我相形之法總屬認題開閣相生之法總屬布勢得題得勢者如西方聖人不假勾師外道但得其耳輪目節而六通之用自神蓋題中本色詞意驅使不盡豈藉他求

惟夫題不分明勢不在我而始不免馳驚于題外為
奇搜剔于題中為奇是皆病在不足非有餘也而人
遂真以為奇過矣且文者代吾之言而并以代聖賢
之言者也凡人之言胷中了了者必直捷簡易而憤
々者必艰澁支離理直者必開口見心而理曲者必
齟齬縮舌冀定者必寬舒徐緩而率爾者必急遽周
張傳寔者必援甲證乙而駕虛者必指天誓地勸諭
者必和顏下氣而恐喝者必怒目睜眉誓衆者必巷
語街談而召鬼者必胡音梵字門高者必直道家世

而卑寒者必粧點貴游厚積者必自諱豪奢而暴富者必侈言得意遠識者必沉默處浚而淺見者必議論風生知言之情則今日之號為奇者病在有餘乎不足乎可以媿矣

鹿門所云鍊格者品也品之貴賤清濁傳之久近係之大要只在雅俗二字耳人知雍容文物者之為雅而不知清真超曠典重老成者之為尤雅也人品閒茸膚淺者之為俗而不知濃粉厚墨折腰齟齬者之為尤俗也天下無不能認題之名家無不知布勢

之高第至于練格則難言之守溪之浚惟荆川最清
最貴其旁出而迥然絕塵者惟震川耳鹿門昆湖方
山尚有擬議自茲而外邈乎遠矣

無中生有法也謂如從根發枝以梅傳杏非龜之毛
兔之角也寔題虛作法也謂如醇醪使不粘口非畫
餅可代充腹也粗題細作法也謂裁縫密熨帖平非
謂蛛絲可紉布帛也淺題深作法也謂如鑽石求火
非刺山而望泉也學子常離形照影于本來面目毫
不相涉釋卷而測題十不得五六者有矣可嘆

鹿門云文之不宜于今者皆得古皮肉眉髮耳若會其精神無不合者近世學術膚陋或剽古人皮肉眉髮尚有少分相應否則杜撰一種似古非古之語以冀詭遇而默會其精神法度者必共厭棄矣豈惟時藝今之論人品文章皆然

文無奇正拙之有一段真精神識見則善矣世傳馮開之亡士子薄偽平淡作偽神奇主司厭偽神奇收偽平淡常太息于斯言當壬午乙酉之交有司尚一尋膚淺文字而余料其必有今日何也均之為偽則

偽平淡必不足以眩偽神奇者勢也偽奇約有數種
舍昭々求冥々去堂皇覓窟穴者類字奇醯醢子史
齷齪鉅釘者類詞奇顛倒主客頭長于身指大于股
者類格奇去此數項偽奇則自不能奇而真奇乃見
矣譬之偃朽木者必飾青黃剔去青黃則依然朽木
欲正文体者但亟直去偽以辨真且不必以奇正分
位昂也

余歡浹生讀先輩文其人讀竟笑謂朴淡不足學余
曰不然是子心粗耳試就先輩作過題極力作一篇

得意文字細細比量彼數句便躍然而我百十句尚
恨未盡彼涵說去一句打轉而我一步一顧猶恐
失之彼撒脫若咏若游而我粘皮帶骨句雕字
鏤彼隨手駕搭自然有勢而我非牽一架子則不能
得勢彼隨題敷衍自有話頭而我非發一議論則別
無話頭彼有首便有尾而我逐段逐句為首尾彼短
文勢發汪洋而我長文勢反急促彼詞了意不了而
我意了詞不了即有粵思奇句數前人所未數而三
復思之乃多是不必作不當作者則我之不及古人

遠矣

文之用世無不達者文之傳世無不老者然天下又
未有不達而能老者也從來古文大家必不欠此二
字擬拾累達浮豔累老震川以後縱有才雋未免逐
場古道之復吾不得而見之矣

文章有一字訣乎曰緊々非縮文為尺臧尺為寸之
謂也謂文之接縫闔筍處也古人布局寬結構緊今
人布局緊結構寬巧者如駿馬暮澗拙者如駑牛登
山自來文章詞曲書法與法皆不出此一字吾蓋知

之而未之逮焉

嚴滄浪論詩云詩有別才非關學也然非多讀書則不能工惟時稅亦然上乘之文著不待一句學問乃類極膚淺者而真膚淺文却自不同天下惟大智者最文巧若拙此非具慧眼人不能辨也今人見時文平班之歟好用古書者便道有學問此正是學問少耳若學問到家見得古人真處下筆之時如織純端梭一項接何處可下襍色又如食前方丈下箸自然不輕有司但能令士子寔讀書則文体不期正

而自正矣

今世有歐陽公文體可即正乎曰甚難彼劉兗等輩
皆膏中寔有文章不過故為奇恠以投時好一機轉
即正矣若今人粗知章句已為近日時文惡套蟠據
胸中譬人生不識菽粟何由而進臨場之時一
班後生苟非遲鈍不能變化者類皆搖唇鼓掌慕為
新奇其平日苦心積學之士即欲倉皇改步而常苦
意踣兩歧反不如少年墨濃筆飽粗豪動人則有司
之所好友所令勢也士子之從好而不從令亦勢也

文體何由而正故鑒正文體不在口說亦不在臨時
非以真精神寔唱而徐導之雖三令五甲恆為職
然則應制科柰何抑有道乎無也曰是固在有無之
間但利鈍與工拙二途不可混言也請略論之凡文
之達々勃々如釜上氣者利之徒也掩々抑々如窓
隙風者鈍之徒也鮮々潤々如叢花帶雨者利之徒
也子々直々如孤幹擎風者鈍之徒也活々潏々如
游魚飛鳥者利之徒也悉々率々如虫行蟻息者鈍
之徒也如物在口探之即得者利之徒也其結畱响

中若啞若哇者鈍之徒也如鼎在世古色敗弊者利
之徒也如鐵在水黯然沉碧者鈍之徒也官商襍奏
嘈然滿耳者利之徒也獨坐彈琴如怨如慕者鈍之
徒也大桓明潤象春而柔嫩也象春暢茂象夏而穢
樵也象夏高潔象秋而蕭索也象秋老成象冬而閑
塞也象冬春主發榮夏次之秋又次之冬則剝矣得
春夏氣多者即初學或速售得秋冬氣多者即積學
或久淹此常理也蓋相文之法大類相人惟以神氣
為主非必五官六体事也稱量乃為無失相文者但

疾讀一過利鈍之分十可得四五若細々求之則十
無一驗矣大凡初學從詞氣入者名走易路早發則
已不發則遲迴審顧或英華消落而迄至于無成從
理路入者名走難路雖未必即發然久則鍛鍊愈精
神王骨堅而終收功于末路其間又有少年老成通
相倣效遍攻其失而成者又有兩失所據而敗者有
以一日之長掩平日之短而得者甚或有偶值一日
之短反平日之長而得者叅差不齊此則有天主之
而吾所謂四時之氣又不足以盡利鈍也彼摘字句

為瑕璣據成敗為著龜妄以一人之目臆決衆目又
或附會衆目為一人之目者則吾所不敢信矣

游藝錄續文規卷之六終